


[www.BibleForChildren.org](http://www.BibleForChildren.org)

# Matayo 26



Machobha  
sita mangani ja  
Uwangalalu wa  
Pasaka, Yesu  
akapiti ku Besania,  
koatamika Lazalo ambaju  
Yesu akamuhyohiki kuhuma  
kwa bhakuwa. Bhela Malia  
akatoliki nusu lita ja  
mahuta ghaghanungila  
wichu ghaghalenganakiki kwa  
nkongu wa nalido ja mbiya yamaheli,  
na kumpaka mumagholu ghaka Yesu  
na kunhungula kwa majunju ghaki. Nyumba jokapi  
jakatweli unungilu wa mahuta ghanihagha.



Bhela Yuda Isikalioti, jumu wa bhabhulwa komi na bhabheli, akapiti kwa bhapenganyambiku bhakolongwa nahuli kung'anambuka Yesu.

Bhapenganyambiku bhakolongwa pabhajowini malobhi ghanihagha bhakahekalile, bhakumpwaghi anabhumpekya mbija. Bhela Yuda akatumbwi kulonda mbekenyu ja kung'anambuka Yesu.



Bhabhulwa bhakahengiki ngati Yesu moakabhalagalakile, bhakaandi chilebhi cha Pasaka. Pabhakabhi bhakula, Yesu akatoliki libumunda, akalipengalili, akalihekiki, na kubhapekeha bhabhulwa bhaki, akapwagha, "Mtolaje, mkulaje, jenjenu nde hyegha jangu."



Akachitoliki chikombi, akunchengwi  
Chapanga, na kubhapekeha,  
akapwagha, "Mkunywaje mabhokapi  
mu chikombi chenjenu, kwa ndandi  
ghongoni nde mwahi wangu wa  
Lulaghilu lwa chakaka, mwahi  
ghoujitika kwa ndandi ja kubhoha  
mahoku gha bhandu bhamaheli.




Yesu akapwaghiki, "Simoni, Simoni! Ujowanyaje!  
Shetani apala kumpeta mwehapa ngati ingano. Nambu  
nepani nukulobhi wehapa wa Simoni, nahuli uhobhalelu  
waku ngawikepa, na wenga pawikelebhuka kwangu  
kabheti, wajangatya bhalongu bhaku."



Petulu akamuyangiki, "Bambo, nepani nyetaki kujenda papamu na wehapa muchifungo, na hata kupotela!"

Yesu akamuyangiki, "Nukumpwaghi wehapa wa Petulu, lalenu mangane ja likongobhi kubheka wibya unganiki mala patatu kubha ngacheunimanye."



Bhela Yesu akapiti papamu na bhabhulwa bhaki mbaka pandu papalowakeka Gethemane, na kubhapwaghi bhabhulwa bhaki, "Mtamanya pambane, nepanu nyenda palongi nakanopi kundobha Chapanga." Akapwaghike, "Atati wangu! Hindu yokapi kwaku wehapa iwezikana. Umokihaje chikombi chenjenu. Nambu ngakwikubha ngati mombali nepani, nambu ngati moupali wehapa."



Bhela Yuda, akabya atoliki lipogha la manjolinjoli bha Kiloma na bhalonda bha Nyumba jaka Chapanga bhabhakahumiki kwa ihongozi bha bhapenganyambiku na Mafalisayo, bhakapiti konihoku bhakabya bhatotwi taa, na myengi, na mikoha na ndonga.

Jumu wabhu akundapwi lipanga mtumika waka Mpenganyambiku Nkolongwa, na kunchekula likutu laki la kumalelelu. Nambu Yesu akapwaghike, "Nkotukaje, ngamwihenga kabhete!" Akalikamwi likutu laka mundu jola na kundamiha.



Bhela bhakunkamwi Yesu, na kumpeleka kunyumba  
jaka Mpenganyambiku Nkolongwa. Nambu Petulu  
akabhi anjengale cha kutali. Bhandu bhangi  
bhakapuliki motu  
pachilanda ja liwangala  
na kutama, na Petulu  
akahiki kunyatuki motu  
papamu nabhu.



Jumu wa bhatumika  
bhaka Mpenganyambiku  
Nkolongwa, ndongu  
waka mundu jola Petulu  
joakunchezwi likutu,  
akundalukile, "Bho, nepani  
le ngachenukuweni  
kuchijongu kola ukabya  
papamu na Yesu?" Bhela  
Petulu akakaniki kabhete, na  
palapala likongobhi lakabhekike.  
Petulu akapitiki kunja na kulela  
kwa kumbina mtima.



Bhela bhandu bhokapi bha pachengo pakolongwa bhakajemiki na kumpeleka Yesu kwaka Pilato. Pilato akundaluki Yesu, "Bho, wehapa le unkolongwa wa Bhayahude?" Yesu akayangike, "Wehapa upwaghike." Pilato akapaliki kundekake Yesu, bhela akalongi nabhu kabhete. Nambu bhombi

bhakajamali kabhete,  
"Unhwamba punsalaba!


Unhwamba punsalaba!"



Bhela Pilato akabhapeki Yesu kwabhu nahuli bhunhwambaje. Nabhombi bhakuntoliki Yesu. Yesu akabya autotwili msalaba waki, akapitiki na kujenda pandu papalowakeka, "Lifuvu la Mmutu," au kwa Kiebulania, "Goligota."



Bhakamuwambiki konihoku, na bhangi  
bhabheli papamu naku, jumu upambala  
wa kumalelelu, na jongi upambala wa  
kumangeja, na Yesu akabya  
pachilanda jabhu.



Ikabhi ngati saa sita ja muhi, lubhendu lukayekiki inchi  
jokapi mbaka saa tisa, na lipanzia lelakabhi libhekakiki  
mu Nyumba jaka Chapanga lakakachwiki ipandi ibhele.  
Panihapa Yesu akajamali,  
akapwagha, "Atati! Mu  
mabhoku ghaku nijibheka  
roho jangu." Na paakajomwi  
kulongela ghanihagha,  
akahekiti roho.



Panihapa akahiki Yusufu mundu wa ku  
Alimataya, mbolu wa Pachengu  
Pakolongwa joakamanyakini  
namaa. Na jombi akabhi  
alendalela kuhika kwa  
Ukolongwa waka  
Chapanga.

Akunjendi Pilato  
panga choghohi  
na

kunjopa  
ampekya hyegha  
jaka Yesu. Panihapa  
Yusufu wa ku Alimataya  
akahemi sanda, akajiheli  
hyegha jaka Yesu,  
akajiyongalwi sanda.



Akajibhehi mulitengele lelalenganakiki  
pa liganga. Kabheti akahingali  
liganga likolongwa na  
kuhibhali pundyangu wa  
litengele.



Chilabhu jaki, yani lichobha la kabheli  
baada ja Lichobha la Maandaliu  
gha Lichobha la Sabato,  
bhapenganyambiku  
bhakolongwa, na  
Mafalisayo  
bhakunjendi Pilato,  
bhakapwaghike, . . .



... "Nkolongwa, tukombwiki kubha  
mpuhi jola akapwaghike,  
'Paghipeta machobha  
ghatatu anahyokaje.'  
Bhakupiti, bhakalilendiki  
litengeli wichu, kwa  
kulijeghela liganga la  
pundyangu lela  
alama, na

kubhabheka  
manjolinjoli bhalendaje."



18 Palapetiki Lichobha la Sabato,  
lukela pachiwombu lichobha lela la  
Jumapile, Malia Magidalena,  
na Malia jongi jola bhakapiti  
kulibhona litengeli.

Palapala pakapitali  
chinyukunyuku  
chikolongwa cha  
ndema, kwa

ndandi mtumika wa  
kunani waka Bambo  
akahelile kuhuma kunani  
kumahunde, akalihingali  
liganga la pundyangu  
lela, na kulitamila panani.



Bhalonda bha litengeli bhala  
pabhakumbweni bhakabhaghiji  
kwa choghohi, na kubha  
ngati bhabhapotile.



Mtumika wa kunani kwaka Chapanga  
jola akabhapwaghi akambomba  
bhala, "Mwehapa  
ngamwijogopa! Kwa  
ndandi manyi kubha  
mundonda Yesu,  
joakawambakike  
punsalaba."



"Ngacheabhi pambane, kwa ndandi ahyokike ngati moakapwaghile. Muhikaje pambani mupabhona pandu pabhakungoniki Bambo."




Bhakabhokiki manyata kuhuma palitengeli,  
kwa choghohi na chiheku chamaheli, na  
kubhutuka imbelu kubhapwaghila  
bhabhulwa bhaki.



Palapala Yesu akahimangini nabhu,  
akapwaghaje, "Lukwali lubya na  
mwehapa!" Akambomba bhala  
bhakunheghalili, bhakachikimi  
na kunkamula magholu,  
na kunjojabhela.





Pakujomukela Yesu akabhapitali bhabhulwa bhaki komi na jumu bhabhabhi pamu pabhakulikaje. Akabhalakali namaa ndandi bhakakaniki kubhahobhalela bhabhumbweni Yesu paakahyokike. Bhela, Bambo Yesu paakajomwi kulonge nabhu, akatolakiki kujenda kunani kumahunde, atami ku upambala wa kumalelelu wa chiwoku chaka Chapanga.



Maghambu kwa ntundu aghoghu  
Chapanga akaupaliki ndema, hata  
akumbohiki Mwana waki wa  
kanjika, nahuli kila mundu  
joanhobhalela ngayihobha,  
nambu akubhaje na  
womi wa mileli.



Bhalumi 3:23 maghambu bhokapi bhahengiki mahoku na kukepakewa na ulumbalilu waka Chapanga.

Bhalumi 6:23 Kwa ndandi malepu gha mahoku nde kupotela, nambu nhupu waka Chapanga nde womi wa mileli mu kulombana na Kristo Yesu Bambo witu.

Bhaebulania 9:27 Ngati bhela kila mundu moabhekakakile kupotela mala punkamu, na baada ja kupotela kutemuliwa na Chapanga.

Bhaefeso 2:8,9 Maghambu kwa chihomu chaka Chapanga mkengaliwi kwa indela ja uhobhalelu, ambayu yeniheyi ngacheibhokana na mwehapa mwabhete. Nambu nde nhupu kuhuma kwaka Chapanga, wala nga kwa matendu, nahuli mundu jokapi jola ngayihika kulilumbalila.



Bhalumi 10:9,10 Maghambu anaujetakili kwa ndomu waku kubha Yesu nde Bambo, na kuhobhalela muntima waku ja kubha Chapanga akamuhyohiki kuhuma kwa bhakuwa, anaukengaliwaje. Kwa ndandi kwa mtima mundu ahobhalela mbaka kujetakalewa palongi jaka Chapanga, na kwa ndomu mundu ajetakela uhobhalelu mbaka kupata ukengaleku.

Yohana 3:16,17 Maghambu kwa ntundu aghoghu Chapanga akaupaliki ndema, hata akumbohiki Mwana waki wa kanjika, nahuli kila mundu joanhobhalela ngayihobha, nambu akubhaje na womi wa mileli. Kwa ndandi Chapanga ngacheakuntumiki Mwana waki pani pundema nahuli kubhatemula bhandu bha pundema, nambu bhandu bha pundema bhapata kukengalewa kwa indela jaka jombi.



1 Yohana 5:11-13 Na ulandilu wene nde aghogho: kubha Chapanga akatupekihi womi wa mileli, na womi ghonighogu ubhi mkati jaka Mwana waki. Mundu jokapi joabhi na Mwana waka Chapanga, abhi na womi ghonihoghu, nambu mundu jwangakubha na Mwana waka Chapanga, ngacheabhi na womi. Nundembela mwehapa mambu ghanihagha, nahuli mpata kumanya kubha mbi na womi wa mileli mabhanganya mwemulihobhalela Lihina laka Mwana waka Chapanga.



Matayo 26-28; Luka 22-24; Yohana 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Mpoto NT (mpa) ©The Word for the World International  
and Mpoto Language Translation, 2020 All rights reserved.

<https://www.bible.com/bible/3973/MAT.1.OTMPBL2020>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

